



КОМСОМОЛОНЬ ВАЙГЯЛЬ

Сембе масторонь пролетариятно, нуromoда маре!

ЛИСЕНДИ VIII-де КИЗОСЬ

ВЛКСМ-нь Мордовский
обкомть и Саранскийнь
горкомть газетасна.

Адрессь: г. Саранск, Советская ул.,
Дом печати, телефон № 0-90.

ЯНВАРТЬ

9-ЦЕ ШИСТОНЗА
1940 КИЗОНЯ
4 (1656) №

Лисенди новти 12-ксть.

ТРУДЯЩАЙНЬ ДЕПУТАТОНЬ КРАЕВОЙ, ОБЛАСТНОЙ, ОКРУЖНОЙ, РАЙОННОЙ, ВЕЛЕНЬ И ПОСЕЛКОВОЙ СОВЕТТНЕНДИ КОЧКАМАТНЕНЬ РЕЗУЛЬТАТСНОН КОЛГА

Центральной печатьса печатлафт кочкамаатнень результатснот колга даннайхть, конат тифт ся матери-алхнень коряс, конатнень получа-зень СССР-нь Верховнай Советть Президиумонц Секретариатонц об-ластной и краевой исполнитель-най комитеттнень и автономнай и союзнай республикань Верхов-най Советтнень Президиумснот эзда.

1939 кизонь декабрь 24-це и 29-це шистонза йотафт кочкамаатне трудящайн депутатонь сембе мест-най Советтненди. Апак йотафт аньцек Карельский АССР-са, коса местнай Советтненди кочкамаатне Карельский АССР-нь Верховнай Советть Президиумонц решениянц коряс отложенайхть, и Дагестан-ский АССР-нь 5 высокогорнай рай-оттнень эса, коса Дагестанский АССР-нь Верховнай Советть Президиумонц решениянц коряс, мест-най Советтненди кочкамаатне катфт 1940 кизонь май-июнь кофненди.

СССР-са избирательнай спискат-нень эса сембоц ульсь регистри-ровандаф 93.547.797 избиратель-синь эздот примасть участия го-лосованияса 92.812.237, кона сос-тавляет 99,21 процент избирате-лень общей лувксть эзда.

Союзнай республикатнень эзга башка избирательхнень лувксна, конат примасть участия голосо-ванияса трудящайн депутатонь местнай Советтненди кочкамаса, тяфтапт: РСФСР-са—99,19 про-цент, Украинский ССР-са—99,36, Белорусский ССР-са—99,26, Азе-рбайджанский ССР-са—99,43, Гру-зинский ССР-са—99,49, Армянский ССР-са—99,06, Туркменский ССР-са—99,44, Узбекский ССР-са—93,49, Таджикский ССР-са—99,29, Казахский ССР-са—99,37 и Кир-гизский ССР-са—99,00 процент.

Кода няфнесазь голосованиянь результаттне, избирательхне фкя мяльса голосовандасть коммуни-стонь и беспартийнайнь блокть кан-дидатонзон инкса. Сембе кочкаф депутаттне ашихть коммунистонь и беспартийнайнь блоконь канди-даткс.

Избирательхнень лувксна, конат голосовандасть коммунистонь и беспартийнайнь блокть кандида-тонзон инкса, СССР-ть эзга голосо-ванияса участвовандайхнень лувкс-снонды составляет: областной Со-веттненди кочкамаатнень эса—99,02 процент, районнай Советтненди кочкамаатнень эса—98,72, ошень Советтненди кочкамаатнень эса—98,03 процент и велень и поселко-вай Советтненди кочкамаатнень эса—98,04 процент.

Сембе местнай Советтненди коч-каф депутатта сембоц 1.281.008 ломань. Кочкаф депутаттнень йот-кса—422.279 ава, мезсь составляет 32,96 процент, ВКП(б)-нь членда и кандидатта 402.398 или 31,41 про-цент и 878.610 беспартийнайда—68,59 процент.

Апак кочкакт депутатт 134 ок-ругова трудящайн депутатонь районнай, ошень, велень и посел-ковой Советтненди. 125 округова баллотировавшай кандидаттне ашеть получа вайгялень абсолют-най большинства, 6 округова коч-камаатне ашеть уль йотафтфт ре-гистрировандаф кандидаттнень ку-ломаснон сюнеда и 3 округова кочкамаатне ашеть уль йотафтфт сянь сюнеда, што избирательхнень эзда ламось ашеть сав кочкама оцю ловть сюнеда. Сембе ня ок-рукнень эзга, „Кочкамаатнень кол-га Положениять“ коряс, назначан-дакшневихть од кочкамаат.

(ТАСС).

КАСЫХТЬ КОМСОМОЛТЬ РЯДОНЗА

Каньгуж велень средний шко-лань комсомольский организациясь (секретарсь Дурушев ялгась) ком-сомолецнень и аф союзнай од ло-маттнень йоткса вяти массово-по-литический оцю работа.

Дурушев ялгать цебарь руко-водстванц вельде 1939-це кизоня комсомольский организациясь пяк кассь.

Комсомолецнень йоткса тяфта жа образцовайста ладяф дисцип-линаське. Синь сембе, кода фкя членский взносна паннысазь ак-куратнайста, эсь пингстонза.

А. Сабаев.

Ельниковский район.

ЛЕНИНГРАДСКИЙ ВОЕННЫЙ ОКРУГТЬ ШТАБОНЦ ОПЕРАТИВНОЙ СВОДКАЦ

Январь 7-це шистонза шинь-берьф фронтса мезевон существен-най ашезь уле. Ухтинский и Ре-болский направления разведчи-конь поискт. Петрозаводский на-правления минь разведыватель-най фкя отрядоньке эсь действия-най характер.

сонза тапазе противникть отря-донц. Карельский перешейкаса разведывательнай поискт и артил-лерийский ляцендемаат.

Кальдяв погодать сюнеда авиа-циянь действия кандсь ограничен-



СССР-нь Верховнай Советть Президиумонц Указонц мархта 1940-це кизонь январь 2-це шистонза Якстерь Армиянь вооружениянцы од особо важнай обра-зечень изобретениянь и конструированиянь тевса выдающай заслугатнень инкса Василий Алексеевич Дегтярев присвоеный Социалистический Трудонь Геройнь звания СССР-нь высшай награда—Ленинонь орденоц вручениянц мархта и 50 тьожань цалковай ярмаконь премиять максоманц мархта.

СНИМКАСА: В. А. Дегтярев ялгась.

(Фото-клишесь ТАСС-ть).

СССР-нь Верховнай Советть Президиумонц УКАЗОЦ

В. А. ДЕГТЯРЕВ ЯЛГАТИ СОЦИАЛИСТИЧЕСКИЙ ТРУДОНЬ
ГЕРОЙНЬ ЗВАНИЯНЬ МАКСОМАТЬ КОЛГА

Якстерь Армияти вооружениянь особа важнай од образецонь изобретениянь и конструированиянь тевса выдающай заслуганкса, максомс Василий Алексеевич Дегтярев ялгати Социалистический Трудонь Геройнь звания, максомок СССР-нь высшай награда—Ленинонь орденоц и денежной премия 50 тьожань цалковай.

СССР-нь Верховнай Советть Президиумонц председателенц заместителец А. БАДАЕВ.

СССР-нь Верховнай Советть Президиумонц секретарец А. ГОРКИН.

Моску, Кремль, 1940 кизонь январь 2-це шистонза.

ПЕРЕДОВОЙ СМЕНА


Ковылкина. Лашминский спирт-заводса работайхть 4 сменная бригадат. Синь эздот фкять мар-хта руководит сменной технологсь —комсомолец Меркун ялгась. Тя сменаса работайхть 16 комсо-молец. Меркун ялгать бригадац лувондови заводса инь передовой бригадакс. Сон эрь ковня нормада вельф пашкотыкшнесь работань планонц. Кда ноябрь ковста тя сме-нась планонц пашкодезе спиртонь нолдамать коряс 97,3 процентс, а заторонь коряс 103,1 процентс, то декабрьский программанц комсо-мольский сменась пашкодезе 25 шинь пингста спиртонь нолдамаса 108,2 процентс, заторонь коряс 113,3 процентс. Ко мсомолкатне за-

торщицась Гуськова и аппаратчи-цась Серова ялгатне фалу вельф пашкотыкшнесазь работань нор-маснон.

Пятиминуткатнень эса, конат-нень йотафнесыне Меркун ялгась эсь сменасонза, лихневихть ланг-ти работаса сембе аф сагыксне, макссеви фкяфкянди стахановский работань методсь. Тяда башка Меркун ялгась эсь бригадасонза йотафни международнай положе-ниянь колга информациять.

Сатф успехнень комсомольский сменась кемокснесыне и макссь обязательства 1940-це кизоня ра-ботама нинге сяда цебарьста.

А. Абакумова.



СНИМКАСА: И. В. Сталин Царицынть арсеналса* МВО-нь Грековъ лемса студияса тонафнить младшай командиръ Н. Соинъ картинасто репродукциясь.

Работамс нинге сяда цебярста

Цебяр производственной показательса васьфтез Лашминский спиртзаводонь рабочайхне и служащайхне од, 1940 кизотъ.

Декабрь 31-це шистонза заводса ульсь общей собрания, конац посвященнай кизонь производственной программат вельф пашкодеманти. Присутствующайхне ламос моли аплодисмент ала васьфтез заводонь директоръ люнин ялгать валонзон, мзярда сон пачфтезе, што заводсь декабрь 28-це шинцы 100 процентс пашкодезе кизонь производственной программанц. Тяка жа собранияса обсудили стахановецонь спискатъ, конатненъ йоткса лама комсомолецта, кода: Алексеева, Гуськова, Меркун, Ломова и лия ялгатне.

Официальной паякста меле ульсь бал маскарад. Башка ялгатне инголкиге аноклакшность тя балти. Особенна отличился Демин Катянь национальной грузинский костюмоц. Сон получасть инсонза васенце призъ. Тяфта жа получасть премиат Ершова ялгась "зерновой" костюмонц инкса и домохозяйкатне Голубева и Полутина ялгатне украинский костюмсон инкса и лама илят.

Рабочайхне и служащайхне всяласта и культурнайста йотафтозъ тяса пингсон. Синь макссть обещания 1940 кизоня работамс нинге сяда цебярста.

Ковылкинский район.

Анкина.

КОМСОМОЛЕЦНЕ АГИТАТОРХТ

Сире Каньгуж велеса нинге 1936-це кизоня организовандаф комсомольский организация. Но эста сонъ эсонза ульсь аныцек 5 комсомолецт. Тяни организациять эса лувондови 23 член, конат велеть общественной эрфсонза примосихть активной участия. 8 комсомолецт работайхть ответственной работаса.

ОТЛИЧНИК

Каньгуж велень средний школань 10-це классонь ученикне: Шушкин Петясь, Курдяев Ванясь тонафнема кизотъ васенце полугодиянц аделазь отличнай и цебяр отметкаса.

Шушкин, Курдяев, кода школаса, а станя жа общественной работаса эсь ялгасонды няфнихть цебяр примерхт.

А. Сабаев.

Ельниковский район.

КРУЖОКНЕ АФ РАБОТАЙХТЬ

Шямонь велень НСШ-са 1939—40-це учебнай кизотъ васень полугодиянц пингста ульсь организовандаф ПВХО-нь кружок, но йотась ни тонафнема кизотъ васенце полугодиянц, а кружоксь работам нинге ашезь ушеткшне.

ПВХО-нь кружокти руководителькс комсомольский организациясь кемоксвезь Богин ялгать, конац тя почетнай тевть лангс ваны суронь пачк, а комсоргсь Серебряков ялгась нльне Богинти максф поручениятненъ вестевок афи проверякшнезень, комсомольский собранияса оброннай работатъ колга кизефкст аф кулхонткшневихть.

Комсомольский организациясь обязан военно-физкультурнай-тевть шири шарфтомс инь серьезнай мьяль.

В. Симанин.

Аф кунара первичнай организациясь тага примась эсь рядозонза 5 члетт. Нят одс примаф ялгатне велеса колхозникненъ йоткса йотафнихть агитационно-массовой оцю работа.

М. Кантеев.

Ельниковский район.

РАБОТАНЬ ЦЕБЯРЬ РЕЗУЛЬТАТ

Каньгуж велень средний школаса ОСО-нь первичнай организациясь вяти паяк оцю оборонно-физкультурнай работа.

ОСО-нь первичнай организациять инициативанц вельде школань 8—9

и 10-це классонь ученикненъ йоткса организовандафтольхть всеобщай воинский обязанность колга законтъ тонафнемаса занятия.

Кудряев.

Ельниковский район.



СНИМКАСА: Чамзинский средний школань ученикненъ республиканский идень художественной олимпиадаса выступлениясна "Героический марш" литмонтажъ мархта,

Фотось А. Ивановъ.

РЕШИТЕЛЬНА ЦЕБЯРЬГАФТОМС КОМСОМОЛСА ПАРТИЙНАЙ ПРОПАГАНДАТЬ

Йотась кожда лама ся пингть эзда сявомок, мзярда заседад ВЛКСМ-нь обкомъ 5-це очередной пленумоц. Кода содаф, што пленумса фкя инь главнай кизефксокс ванондовсь ся, кода именна ВЛКСМ-нь башка райкомтне практически пашкотъкшнесазь ВКП(б)-нь ЦК-ть и ВЛКСМ-нь ЦК-ть пропагандатъ колга постановленияснон. Пингта пленумда меле йотась аф паяк лама, но ВЛКСМ-нь кой-кона райкомтне тийсть ни эстейст серьезнай вывотт комсомолса пропагандатъ решительна цебярьгафтоманц коряс.

ВЛКСМ-нь Теньгушевский райкомсь эстакиге обкомъ пленумдонза меле серьезнайста кярмодсь пропаганданъ тевти;—кочкась райкомъ видеса консультантонъ группа 7 ломаньцта, лекторонъ группа 3 ломаньцта, пуроптсь политграмотанъ 6 кружокт и 1 кружок ВКП(б)-ть историйнц тонафнеманц коряс. Нят кружокненди кемокстафт руководителхть, конат ушедсть ни занятиянь йотафнема.

Тяфта жа ВЛКСМ-нь Торбеевский райкомське кочкась 4 ломаньцта лекторонъ группа, йотафтьс первичнай организациянь секретарьхненъ и пионервожатайхненъ йоткса теоретический семинар. 2 первичнай организациява йотаффт теоретический конференцият "ВКП(б)-ть историйнц Краткой курсонц" 1—2 главанзон коряс.

Однако эряви азомс, што нят аныцек, кода мьяргондихть, организационнай мероприятият, а практически пропагандистский работаса свдикта тиф паяк кржа. Тяса кочкаф лекторхненъ эзда кой-конат ламода аф соответствие вандайхть эсь назначениязост. Омбоце аф сатыкссъ тя областсь ащи сянъ эса, што кой-кона райкомтне склоннайхть кочкамс лекторхт аныцек ВКП(б)-ть историйнц коряс, аф кемокстамок фкявок лектор СССР-ть народонъ историйт, литературатъ, антирелигиознай теманъ, странатъ международнай и внутренней положенианц и иля кизефксонъ коряс. Вдь ВКП(б)-нь и

ВЛКСМ-нь ЦК-тне пропагандатъ колга эсь постановлениясост нятненъ колга корхтайхть и обяыывают местнай организациятненъ йотафнемс тяфтама темас лекцият.

Аф ваномок сянъ лангс, што ВЛКСМ-нь обкомъ пленумоц тя решениясонза обязал ВЛКСМ-нь сембе райкомтненъ, штоба маластонъ пингть тиемс комсомолса партийнай пропаганданъ тевса крутой поворот, ВЛКСМ-нь лама райком первичнай организациятненъ эса партийнай пропагандатъ цебярьгафтомаса эржавикс результатт ашесть сата. Вов Ельниковский районца 746 комсомолтъ эзда аныцек 100 самостоятельна тонафнесазь ВКП(б)-ть историйнц. Районца пуроптфоль политграмотатъ коряс 14 кружок, но работайхть аныцек 4 и нят нилетненъ эздонга лац работай кружоксь аныцек Петровка велеса, кося руководит комсомолкась-учительницась Кабановская ялгась, конац аккуратна—планц коря йотафнесыне занятиятненъ, а илядыхненъ эса занятиятне йотафневихть случайстаслучайс.

Тяфтама жа тевсь и Пурдошанский райондонга. Сембоц районца 1.009 комсомолец, конатненъ йоткса ВКП(б)-ть историйнц тонафнесазь—самостоятельна 240 и кружокса—75,40 комсомолец занимайдихть политграмотанъ кружокса. Тяста няеви, што нят кафта райоттненъ эса 1.250 лама комсомолец косонга аф тонафнихть, катфт стихияти откупс. Аксел велеса ВКП(б)-ть историйнц коряс кружоксь омбоце кизось тонафни "Краткой курсть" васенце главанд. Тяфтама тевсь кружокса Жигалова велесонга.

ВЛКСМ-нь райкомъ видеса апак пуроптт агитационно-пропагандистский актив, аш лекторхт. Сембоц "ВКП(б)-ть историйнц "Краткой курсонц" светс лисемдонза меле районца ВЛКСМ-нь райкомъ инициативанц вельде йотаффт аныцек 2 лекцият. Теоретический семинархт, а тяфта и теоретический конференцият аф йотафнихть. Пропаганданъ кизефкссь районца ульсь катф эсь отям. 2 кофт ашель райкомъ агитациянь и пропаганданъ отделсонза заведующай.

Особенна калдывста ащи тевсь райоттненъ эса теоретический конференциятненъ мархта. Первичнай организациятненъ инь ламоснон эса синь аф йотафневихть. Да кося йотафнихть и эсонга йотафт калдывста, новляйхть оцю эльбятксть. Вов Саровский машиностроительнай заводса теоретический конференцият йотафнихть сразу Краткай курсста целай главанд коряс. Докладчиксь 45 минутаста должен азондомс сембе главата. Конешна подробна 45 минутаста заголофкада башка сон мезевок азомс не может. Явна аф правильна, мзярда теоретический конференцияса явошнесазь "Краткай курсть" первоисточникснъ эзда. Сяс тяса теоретический конференциятне йотнихть скучнайста аф интереснайста.

ВЛКСМ-нь райкомтненди эржави макссемс повседневнай лезкс ВКП(б)-ть историйнц самостоятельна тонафниензонды, кочкамс кружокненди руководителъкс политически грамотнай, тевса провереннай, ялгат пуроптомс райкомъ видеса лекторонъ и консультантонъ группат и агитационно-пропагандистский актив. Сянкса, штоба маластонъ пингть решительнайста цебярьгафтомс комсомолса партийнай пропагандатъ. М. Сайгин.



СНИМКАСА: васенце рядса (кержи ширеста види шири) „Георгий Седов“ Ледоколъ капитаноц К. С. Бадигинъ, ледоколъ командатъ парторгоц старшай механикъ Д. Г. Трофимовъ. Омбоце рядса кержи ширеста види шири) ледоколъ капитаноц старшай помощникоц—А. Г. Ефремовъ, ледоколъ лоцманъ Д. П. Буторин. Колмоце рядса (кержи ширеста види шири) „Седов“ ледоколъ повароц П. В. Мегер, васенце классонъ машинистъ И. М. Недзвецкий. Нилеце рядса (кержи ширеста види шири) васенце классонъ кочегаръ—И. И. Гетман, васенце классонъ матросъ Е. И. Гаманков.

Фото-клишесь ТАСС-ть.



СНИМКАСА: „Георгий Седов“ ледоколъ героический командац (кержи ширеста види шири): „Седов“ ледоколъ радистъ Н. М. Бекасовъ, ледоколъ старшай радистъ А. А. Полянский и машинистъ Н. С. Шарыпов.

Фото-клишесь ТАСС-ть.

„Седовти“ илядсь вете мильхть

„И. Сталин“ ледоколъ бортста. Январть 6-це шистонза. (ТАСС-ть радиоц). Погодатъ малость цебарь-годомдонза меле 2 частса минь тага кармаме молема, „Седовти“ час и пале тапаме стака и эчке эйтъ. Вете частса вахтеннай рулевой Палухин ялгась няезе йоф-

си „Седовть“ няренц маласа палы туже тол валдть, конац ащесь сонъ эздонза ветешка миль вастса. „Седовецне“ аныцек—што тани пачфтез, што синь шавсть офта, а ледксонзон кунцесазъ живойста. Ледоколъ эса кивок аф уды.

И. Папанин.

Порапа велень советть 1-це сессияц

Аф кунара Ковылкинский районъ Порапа велеса йотафтф велень советъ васенце сессияц.

Сессиять панжезе велень советъ старейшай депутатоц Я. А. Полаев ялгась. Сон эсь вступительнай валсонза азондозе, кодамагнет ала ащесь мордовский народъ, кодама нишета и вачаши—потмоса ащекшнесь народъ. Сяда тов азондозе, кодама цебарь, зажиточнай и культурнай эряфса

эряхть Порапа велень и Ковылкинский районъ иля колхозникне. Сон эсь выступлениясонза азонзе „модась, конанцинкса минь тюрендеме, тани максф тейнек навечна“.

Полаев ялгать выступлениядонза меле велень советти председателкс депутаттне кочказь Дурнов ялгать. Кочкафт тяфта жа члеть и образовандафт комиссият.

Ф. Канайкин.

СЕЛЬХОЗВЫСТАВКАВ КАНДИДАТТ

Каньгуж велень „Путь к социализму“ колхозса старшай конюхокс работай стахановецъ Икомасов Андрейсь. Сон тюри алашатнець лувксонн касфтомасон инкса. Икомасов ялгать бригадасонза 40 алаша. Сембе синь ащихть цебарь упитанностьса. Сонъ бригадасонза ащезь урад фкявок ала-

ша. Марнек вантф молоднякъ. Сембонъ тьян инкса Икомасов ялгась макссь выставкому заявление, штоба сонъ сьормадолезь 1940 кизоня Всесоюзнай сельхозвыставкав участниконди кандидатоцс.

В. Сабаев.



СНИМКАСА: васенце рядса (кержи ширеста види шири) „Седов“ ледоколъ врачец А. П. Соболевский, ледоколъ колмоце механикоц В. С. Алферовъ. Омбоце рядса (кержи ширеста види шири) В. Х. Буйницкий гидрографъ, ледоколъ омбоце механикоц С. Д. Токаревъ, (алува) „И. Сталин“ ледоколъ капитаноц Белзусов ялгась ледоколъ бортса почетнай рейсс тумда инголе.

Фото-клишесь ТАСС-ть.

КОМСОМОЛЪ КРОВНАЙ ТЕВОЦ

1939 кизоня Всесоюзнай сельскохозяйственной выставканъ од участникнень йоткста ульсь Мордовиянь 37 комсомолец. Синь йотксост знатнай коноплеводкась Лидия Зубарева, трактористъ Лидиякин ялгась, бригадиръ Сидоров ялгась и лият.

Лама тьожатть комсомолецонди и од ломаненди выставкас макссь возможность ознакомиться социалистический паксянь стахановецнень сатфксонн мархта.

Тяни задачась ащи сянь эса, штоба 1939-це кизонь выставканъ участникнень-передовикнень опытсон кандомс Мордовиянь колхозненди, совхозненди и МТС-ди. Тянь эса ведущай вастть должетт зянямс комсомольский организациятне. Колхозонъ, совхозонъ и МТС-нь комсомолецне тьялонъ периодть пингста должетт польовандамс стахановский школатнень эса 1939 кизонь передовикнень—выставканъ участникнень опытсон мархта. Од ломаттнень стахановский школатнень организандамаса и синь работасонн мархта обязатт руководить ВЛКСМ-нь райкомтне.

ВЛКСМ-нь райкомтненди эряви решительнайста кярмодемс комсомольско-молодежний бригаданъ

организовандамати, конат знатнай стопудовикъ Аркадий Гуровъ бригаданъ примеронц коряс смелста молеухть ба фкя-фкянь йотазъ засухать каршес тюрематн, штоба получамс зерновой и технический культуранъ оцю урожай.

Тяда башка оцю задача ащи комсомольский организациятнень инголе социалистический животноводствать развитияса. Лучшай комсомолецнень кемокснемс колхозонъ и совхозонъ животноводческий ферматненди работама. Йотафнемок передовой животноводтнень опытсон, комсомолецненди эряви сатомс ферматнень эса нинге сядонга оцю продуктивность социалистический животноводствать касфтомаса.

Ащемок народнай хозяйстванъ сембе отряслятнень эса социалистический соревнованиянь застрельщикокс, комсомолецне должетт улемс 1940 кизоня Всесоюзнай сельскохозяйственной выставкав анокламаса соревнованияти инициаторкс. Эрь комсомолецнень, колхозонъ, совхозонъ и МТС-нь эрь комсомольский организацияс должен содамс, што Всесоюзнай сельскохозяйственной выставкас—комсомолъ кровнай тевоц. Колхозонъ, совхозонъ и МТС-нь эрь

комсомолецненди эряви эрь шиня соревновандамс почетнай правать инкса, штоба улемс 1940-це кизоня Всесоюзнай сельскохозяйственной выставканъ участниккокс.

ВЛКСМ-нь райкомтне должетт улемс нят соревнованиятнень эса во главе. Лама фактт корхтайхть сянь колга, што ВЛКСМ-нь райкомтне кальдявста занимандахть 1940 кизоня выставкав анокламать мархта. Тячийнь шить самс республикаса пняк кржа комсомолец макссть заявленият 1940 кизоня Всесоюзнай сельскохозяйственной выставкаса участвовандамать колга. Республикаса улихть стама комсомолец и од ломатть, конат эсь стахановский работасост сатсть 1940 кизонди Всесоюзнай сельскохозяйственной выставкаса участвовандамс прават. ВЛКСМ-нь райкомтненди эряви макссемс лезкс нят стахановецненди выставкаса участия инкса заявленианъ оформленияс.

Нинге тяда кальдявста ащи тевсь республикаса 1940 кизонь Всесоюзнай сельскохозяйственной выставкав юнай натуралистонъ анокламать мархта. Тячийнь шить самс тяфта жа, кода и йотай кизотъ выставкаса участвовандамать инкса оформляеться аныцек фкя юнат.

Республикаса идень сельскохо-

зяйственной 10 технической станцият, но синь эсост сатомшка работа тьян коряс аф йотафнени, а Наркомпросъ, ВЛКСМ-нь райкомтне и РОНО-тне тьян лувондсазь второстепеннай тевкс.

Аф лама пингта илядсь сянди, мзярда ушеды сельскохозяйственной од кизосъ. Эряви тьяникиге по-стахановски организовандамс тракторонъ, сельскохозяйственной машинанъ ремонтъ, снегозадержаниясь и видьмотнень видемати анокламаса.

Первичнай комсомольский организациятне, ВЛКСМ-нь райкомтне тья тевса должетт няфтемс оцю инициатива, творческий почин, и сатомс сянь, штоба колхозникне, совхозонъ и МТС-нь работнике, васьфтелезъ тундатъ цебарьста анокламаса.

Тя ули комсомольский организациятнень конкретнай лезксна оцю урожайнь получамать и социалистический животноводствать продуктивностенц кеподеманц инкса тюремаса.

Тя максси лезкс тьожатть од комсомолецонди и од ломаненди Всесоюзнай сельскохозяйственной выставкав участиянь правать сатомаса.

ВСХВ-нь Мордовиянь главвыставкомтъ инструктороц КАЦВА.

Школьный эряфсь

Олимпиада итгонза

Олимпиада заключительный шистонза—январь 5-це шистонза иден творчествань республиканский художественный олимпиада лучшаяне ульсть премировандафт.

Олимпиада васенце васть заняе Саранск ошень коллективсь. Саранск ошень коллективти максф переходящий якстерь знамясь, ко- нац йотай кизоня ульсь Рузаевка ошса олимпиадань участникнень кядьса, а рузаевецне тя кизоня заняе омбоце васть.

Колмоце васть заняе Чамзин- кань районца олимпиадань участ- никне. Тя районца замечательна выступил средний школань хорсь. Хорть руководитель Дорфеева ялгась премировандафт 450 цалко- вайн питнеса частса.

Тяфта жа ульсть премирован- дафт цебарьста выступающей башка ялгатне и коллективне.

Ф. Леонтьев.

Пионерхне отличник

Каньгуж велень средней шко- лань 7 и 8-це классонь пионерхне: Автайкин И., Тренкина Е., Саба- ев А., Кидяшкин Е. и лияне эсь пионерский долгснот пшкотькшнесазь честь мархта. Синь тонаф- нема кизоть васень полугодиани аделазь анычек отличной оценка- са.

Тяда башка, нят пионерхне эсь ялгаснонды няфнихть цебарь ке- потькст пионерский организация общественной эряфсовок участия- са. Синь отрядной и звеньевой

сборхнен работаса примосихть инь активной участия, пионерский организация ширде максф пору- чениятнен пшкотькшнесазь оцю воодушевленияса, школать внут- ренний эряфса и ульцяса сембе школьникенди ашихть цебарь ке- потьксокс.

Пионерский организациати макссть вал, што 1939—40-це то- нафнема кизоть синь аделасазь анычек отличнайста.

Л. Икомасов.

Ельниковский район.

Цебарьста тонафнемать инкса

Од Выселкань средний школаса лама ученик, кемокстамокэсь йот- ковасть социалистический сорев- нованиянь договорхт, получахш- нихть тонафнемать тевса отлич- ный и цебарь отметкат.

Сисемце классонь ученикне Бе- ляев Егорсь, Рогачев Павелсь, Учамбрин Митрофанць, Паршина Устьясь тонафнема кизоть васенце четвертец аделазь анычек отлич-

най и цебарь отметка мархта, а васенце четвертьта меле ня уче- никне тяфта жа ашихть примеркс тонафнемаса и поведенияса шко- лань сембе ученикненди. Синь виш- коптезь и илады ученикнень йотк- совок отличнайста и цебарьста тонафнемать инкса тюремать.

С. Общев.

3-Полянский район.

Соревнованиясь школатнень

йоткса

Сире Каньгужень средний шко- лань ученикне и пионерхне сянь инкса, штоба тонафнемс анычек отличнайста и цебарьста, кемок- стась социалистический соревно- ваниянь договор Укратский сред- ний школань ученикнень мархта.

Договорсост сьормадыхть, што-

ба сатомс тонафнема кизоть ом- боце пшкостонза 100 процентнай успеваемость.

Ученикне кемоста кярмодсть социалистический договорть пшк- кодемандцы.

А. Сабаев.

Ельниковский район.



СНИМКАСА: Иден творчествань республиканский олимпиада- са Лямбирский районца участникнень выступлениясна.

Фотось Ивенианть.



Весьласта йотафнесазь каникуласнон школьникне. Саранск ошень „Учитель“ стадионца 1-це № школань ученикне тренируются хоккейса.

СНИМКАСА: Ситников и Головин (ортать маласа),

Фотось А. Ивановъ.

Хоккейный сезонць разгарса

Хоккейный сезонць „Спартак“ общества моли вишкста. Кафкса командат сувасть хоккейса розы- грышти. Ня кафксотнень лувксса кафтне авань командат и фкя идень команда.

Саранск ошень „Спартак“ об- ществать идень командац васедсь Рузаевский „Спартак“ обществать идень команданц мархта. Ня ко- мандатнень йоткса налхкомась аделавсь 3:4 лувксса Саранский идень командат пользас.

„Спартак“ обществать васенце командац васедсь Алатырь ошса

(Чувашский АССР) „Локомо- тив“ командат мархта, налкомась аделавсь 2:4 лувксса „Спартак“ обществань васенце хоккейный командат пользас.

Тяда меле спартаковецне тусть Йошкар-Ола ошу (Марийский АССР), штоба примам с участия „СССР-нь кубокть“ инкса розыгрышть эса. Эряви азомс, што „Спартак“ об- ществаса лувондови сембодонга лама хоккейный команда лия об- ществатнень коряс.

С. Купер.

Саранск ош.

Партиять и правитель- ствовать заботаснонды ответонди

Аф кунара Мордовский Разно- промсоюзонь клубса ульсь йотаф- тф „Спартак“ обществань физ- культурникнень йоткса собрания, конац посвященнай ГТО-нь од комплексти.

Тянь колга доклад мархта вы- ступил Мордовский АССР-нь Сов- наркомть видеа физкультурань и спортонь комитетть учебно-спор- тивной отделонц начальникоц Богданов ялгась.

Пренияса выступающей физ- культурникне оцю воодушевления мархта одобрили СССР-нь Совнар- комть ГТО-нь од комплексть колга решениянц. И сявсть эсь лан- гозост обязательстват большевист- ский партиять и Советский пра- вительствать од ломаттнень кол- га заботаснонды отвечаемс нинге сяда цебарьста учебно-спортивной работать ладямаса. Усвоить од комплексть, анокламс родинати I ступенень ГТО-нь 100 значкист, II ступенень значкиста — 10. Ня обязательстватнень пшккодмаснон инкса собраниясь наметил лама практический меро- приятия.

Сембе низовой коллективнень эзга йотафневихть ГТО-нь од комп- лексть колга беседат, йотафтф семинар. Организованнай сембе секциятнень эзда перестраивает- ся учебно-спортивной работась ГТО-нь од комплексть коряс.

1940-це кизонь январь ковть 12-це шистонза сявомок 24-це шинцты модемс йотафтовихть лыжной массовой кросст, штоба максомс ГТО-нь значокс лыжаса норматнень. Тя кроссть эса при- май участия аф 250 ломаньда кржа.

КУПЕР,

Республиканский „Спартак“ обществать председателец

ОЦЮ ПОРАЖЕНИЯ

Январь 6-це шистонза Саранск ошень „Учитель“ стадионца ка- токса ульсь „СССР-нь кубокть“ инкса Саранск ошень и Йошкар-Ола ошень (Марийский АССР) ди- намовецнень йоткса васедема.

Налхкомань васень минутатнень пингстакиге жа няевсь, што йош- кароловецне цебарьста нинге ашесть овладеванда хоккейса налх- комань техникать мархта. Тех- нический синь алак аноклак шис- нон вельде саранецне сатсть це- барь результатт. Налхкомать ва- сенце таймац аделавсь 7:0 лувк- са Саранскийнень динамовецнень пользас.

Налхкомань омбоце таймать пингстонза инициативась ульсь саранецнень ширеса; сидеста мячсь кармась сашендома йошкароло- вецнень ортаснон малас.

Налхкомась аделавсь 15:0 лувк- са саранецнень пользас.

Тяка жа шиня, тяка жа стади- онть катокса налхксть Саранск ошса первенствать инкса „Буре- вестник“ и „Пищевик“ общест- ватнень хоккейный васенце коман- дасна. Тя налхкомась няфтезе, што пицевиковецне нинге сатомшка аф занимадондайхть спортонь тя интереснай видть мархта. Налхко- мась аделавсь 18:0 лувкс мархта „Буревестник“ командат пользас.

Сергеев.

Оборонный работать юкснесазь

Республиканский политпросвет- школаса организовандафт ПВХО-нь и ВС-нь кружокт, конатнень эса мекольден пингть эзда кода- мовок работа аф вятевы.

Школаса ули ОСВОД-нь органи- зациявок, конац тяфта жа мезевок аф тиенди.

Оборонный кружоконь и ОСВОД организациань четтне надияхть, што школьный комсомольский организациясь лез- ды тейст школаса оборонной тевть ладямаса.

Ник. Картаев.

Ответ. редакторъ Н. ТИШКИН.